

小方壺齋

小方壺齋

松亭行紀

錢塘高士奇著

康熙二十年三月二十日癸酉○○上奉○○○太皇太后行幸溫泉兼巡塞外平明○○法駕出東直門龍旂鳳蓋照耀川原午張黃幄尙食○○○上躬親侍膳○○○太皇太后金輿早晚出入○○○上褰轡騎導執禮恭謹道路觀瞻感頌○○○聖孝隆古未有也○○○駐蹕李家橋○○○召入○○○帳殿賜食夜深而退此後率以爲常不盡紀

甲戌天氣融和春風韶宥有晴光送遠目勝氣入幽襟之意○○○駐蹕三河縣之兔東馬房按通州境上有煙墩五曰石里燕郊東留村大黃莊高麗莊有子場三曰崇教鳴玉花園又有馬房八自鄭村壩以下俱在城北三四十里內乃前朝參牧之所是夕侍於○○○帳殿○○○上曰明日當經盤山爾曾遊否臣士奇對曰昔聞盤山乃○○○畿輔名勝之地未曾登歷每切夢想○○○上命侍衛一人同臣明晨往遊兼○○○諭臣士奇曰上盤中盤及李靖庵淨業庵林木泉石尤爲幽邃不可不到須窮一日之力從容眺望也臣拜○○○命而出

乙亥曉行殘月尙在馬首同侍衛取徑盤山時訪山家經漁子山在平谷縣東北十里上有大冢舊傳黃帝陵也其上有軒轅臺下有軒轅廟唐陳子昂詩云北登薊邱望求古軒轅臺尙想廣成子遺蹟白雲隈城南五里逆流河之西有看花臺相傳金章宗玩花於此俱未及登策馬行二十里許遙望峰崖層峭怪石磊落松栝千株扶疏高下悉托根石上叢條交蔭時方春夏之交景物明媚山花半謝山鳥亂嘯細路峻嶒馬爲屢卻憩李靖庵庵後有峰高二里頂廣四丈而平爲李靖舞劍臺云靖伐高麗過此唐李從簡來遊爲題數字嶺上一石如人著幘頭坐而又腰土人目爲石尉遲東十里爲雙峰寺過砂嶺高二百餘仞樵路宛轉僅通人行灌莽荒榛未得安步循巖數十轉心目漸高每度一折山情易向樵聲自谷中起

下視初不見人又二十里將抵上盤積石齒齒時聞人語在天上亦不敢仰視橫嶺懸度積石相乘直上可三百尺至盤頂雲罩寺下視村落但見柔煙巔有舍利塔登覽極遠志稱影落塞外上有二龍潭下有潮井小坐憩息復尋少林寺旁紅龍池鑿石如龍以朱塗之甚不可解稍下爲中盤寺一泉出峭壁草石間曲折作谿徑石竇下爲砂河戊午九月○○上遊中盤寺愛其幽勝書戶外一峰兼○○御製詩曰中盤遙見蓮花峰日出山林氣色重老衲題詩渾半偈翠輿臨發又從容今鐫於石亦茲山之榮遇也將遊淨業庵天已垂暮山光嵐氣濛濛澤衣下山行二十餘里抵○○御營已二鼓矣○○駐蹕蘄州所屬鄭家莊北

丙子曉起入侍○帳殿○○上問爾遊盤山曾有詩否臣士奇對曰此地山川類多雄偉盤山細石長松境獨幽秀宜爲名區疇昔夢寐思得一遊不意扈從之時蒙○○恩賜臣登眺行幄中曾草記一篇詩數首所懷尙未能盡○○上曰俟至溫泉錄出朕將覽焉○○駐蹕遵化州所屬稻地里

丁丑惠風初拂見山家桃花掩映籬落○○駐蹕遵化州所屬蔡家莊

戊寅扈○○蹕登景忠山山在遷安縣界亭亭孤峙高數十丈鑿石爲磴折旋而上路徑陡絕歷十餘級一轉輒有小祠可以坐憩其巔祀碧霞元君殿宇華潔香火甚盛○○上登陟從容早至絕巔臣愧無濟勝具追隨獨後○○上題靈山秀色四字○○命侍衛掖臣而升午後微雨經三屯營郭郭堅固居人聯集明總兵戚繼光鎮此路旁祠廟多祀之○○駐蹕遷安縣所屬灤河岸

己卯河干設○帳殿幔城○○上奉○○太皇太后駕臨觀覽○○上率侍衛操小舟捕魚以奉晨餐

聞○○太皇太后慈顏喜悅賞賚甚厚隨從舟中者皆得拜○○賜焉○○上坐帳殿中臣士奇侍○

○上言灤河之水來自塞外論斷形勢如觀指掌仰見○○宸衷經天緯地之學非臣淺陋所能窺測也

晚復張宴岸側宴內大臣及近侍諸臣天既薄暮隔河山色輕翠迎人波光蕩漾青林送影臣士奇蒙
○賜紫金杯酒且○○諭臣曰今晚可不侍行殿必飲此杯也臣士奇感○○恩飲畢賦恭紀詩一首仍

○○駐蹕灤河岸

庚辰○○駕回幸溫泉○○駐蹕遵化州城東

辛巳○○○太皇太后駕至溫泉宮是日○○上謁○○○孝陵隨往○○仁孝皇后○○孝昭皇后陵

○○駐蹕鮎魚池行宮鮎魚池舊有城堡以山頂石似鮎魚故名湯泉在遵化州西北四十里福泉山下
寬平約半畝許有泉沸出明總兵戚繼光鑿石爲池築堂其上曰九新○○○世祖章皇帝駕常臨幸命
建宮其旁丹碧而已不加華彩其池更以白玉石鑿之深二丈方四尋鑿石爲龍吻噴甚怒其泉深碧可
鑑氣極溫暖投錢池中翻若黃蝶百折乃至底四壁碑刻唐順之汪道昆周天球詩最後一小石刻明武
宗宮人王氏詩云絕塞窮冬凍異常小池何事暖如湯可憐一脈溶溶水不爲人間洗冷腸又有寒泉去
湯泉數武出於泥沙以劑泉之溫明王衡湯泉記曰泉本寒沁有石根可一畝類焦釜覆之水受石性故
沸所不及則否數武之內而水火共鼎亦一奇也宮又有寺建自貞觀二年名福泉寺泉南流百步伏入
地中又折而東南逕石門峽卽今石門口也是歲三月六日以○○兩皇后山陵之役屢從諸臣蒙○○
恩賜觀湯泉同大學士臣明珠李蔚尙書臣梁清標吳正治魏象樞朱之弼王熙左都御史臣徐元文侍
郎臣楊永甯李天馥項景襄杜臻翰林院學士臣張英侍講學士臣張玉書詹事臣沈荃王鵬昌蔣弘道
通政使司通政使臣王盛唐大理寺卿臣張雲翼太常寺卿臣崔澄編修臣杜訥及士奇賦詩應○○制
將勒石以垂不朽

壬午黎明○○上詣○○○孝陵致祭○○駐蹕鮎魚池行宮

癸未○○上至純親王停輓之所祭奠微雨復霽○○駐蹕鮎魚池行宮

四月朔甲申○○上行圍茅鹿山射得二疊就山陽張幄炙鮮○○賜內大臣及近侍諸臣因○○問臣杭州飛來峰及冷泉亭景物臣士奇對曰唐白居易記云山樹爲蓋巖石爲屏雲從洞生水與階平約略見之矣○○駐蹕鮎魚池行宮

乙酉○○上周視○○孝陵風水按○○孝陵本鳳臺山在遵化州南四十里峰巒層秀頂如華蓋翠岫環拱眾水來歸規模宏整天造地設五峰山在東北崛起東曰快目南曰瑞雲西曰紅翠北曰虎巖中曰紫蓋聯綿起伏互相擁護眞奇境也今封爲昌瑞山載祀典○○駐蹕紅門外

丙戌○○駐蹕鮎魚池行宮臣錄盤山遊記及詩進呈○○御覽

丁亥隨○○上行圍過馬蘭峪馬蘭關舊設副將駐防關口其標下守備駐馬蘭峪守○○陵官員上三旗甲士雜居於此方二月時○○兩皇后山陵巨典臣士奇同學士臣張英編修臣杜訥寄寓道院旬有餘日春花未放茲來已綠葉成陰矣○○駐蹕鮎魚池行宮

戊子○○上辭○○太皇太后巡幸喜峰口外蒙古地方○○駐蹕三屯營城南

己丑○○上再登景忠山○○駐蹕三屯營城南

庚寅○○駕出喜峰口按喜峰口古松亭山也奇峰削下腰有洞高二丈餘深倍之遼史爲松亭關錄中京留守司開泰中置澤州俘蔚州民立寨居之王沂公會行程錄亦云松亭嶺甚峻險今喜峰口東北有小城曰徐太傅城爲明徐中山達所築歲久彌堅遠望如碧玉懸崖斗聳人迹希邈昔有人久戍不歸其父來尋適遇此山下相抱大笑喜極而絕遂葬於是俗因謂之喜逢口後訛爲喜峰元許有壬圭塘集載之頗詳○○駐蹕喜峰口外白臺夜聞虎嘯響振林谷

辛卯曉發白臺自口內看塞上諸山與長城共相起伏坡陀平衍步履可登出口則疊嶂層崖山勢陡峻密篠叢枝攀援無路四望長城雉堞千尺如長蛇天矯自西而東絕巘平連飛鳥難越天之所以限中外也過九狐嶺又曰九宮嶺一徑紆折高下屢乘細澗橫流淺深競渡中多楓樹及楂梨榆柳餘花新葉紛映馬前左右高山蹲巖怪石景隨徑轉爲態多端黃土崖一峰矗峙峭壁如削石色蒼黃高百餘仞其間多生松栝有一巖竇在半山巉絕處兩崖中斷支一木橋危險無異石梁遙望竇中窗牖畢具石佛橫臥昔傳異僧居焉山有大小石塔七十座土人名爲打藍蘇妹譯云七十座塔也過此二十餘里境忽寬平有土城遺址曰寬城相傳明宣宗駐蹕於此一面倚山一面尙餘土墉通南北二門甃石殘缺蔓草荒蕪中微見井闌柱礎土人名爲博洛忽洞者是也過寬城數里山更奇峭河流漸廣有石磯黑色周十數丈交枕河畔夾岸生芳枳木連羅以草卉山水之趣聊以騁懷○○上尙食水次○○諭臣士奇曰前朝此土悉爲枕戈臥甲征戰之所自我○○○太祖○○○太宗威德遠敷數十年來蒙古四十八部盡歸王化今朕巡幸所經安得不念○○○祖功○○○宗德臣士奇對曰仰見○○○聖心不忘創業艱難誠社稷蒼生之福也○○○駐蹕大石磯北是日○○○御製過黃土崖大石磯詩二首臣士奇捧讀畢恭和進呈歸幕後又得雜詩數首

壬辰山崖盤複前望似無去徑峰迴路轉乃更豁通出達希喀布齊爾口爲蒙古界山情頓易喀爾沁部落長率其所屬跪迎道左○○○上慰勞之○○○駐蹕達希喀布齊爾口北

癸巳喀爾沁部落以騎兵三千前驅列圍分左右翼持兩白旗連岡截野馳二三十里或三四十里遇有平曠之地圍乃漸合高山峻嶺望而咋愕類皆土壤策馬可登茂木青榛參天匝地獵騎紛馳穿林帶谷司馬相如所云雷動嶽至星流霆擊庶幾似之○○○駐蹕察漢城地方

甲午廓爾沁國及班倫諸部落皆至朝於○帳殿是日○○上於園中射得一虎應弦而斃蒙古諸部落觀○○上弧矢之威無不頌服○○駐蹕烏蘭布爾哈蘇

乙未○○上行圍山中水泉清冷纖草鋪茵雜卉柔荑布滿巖谷有名長十八者紫色蓓蕾元葛遜祿西賢塞上曲云雙鬢小女王娟娟自捲氈簾出帳前忽見一枝長十八折來簪在帽檐邊卽此花也五代胡嶠北行記所載旱金蓮大如掌金色懨人青囊如中國金燈而色類藍二種皆有之又離婁開花如雞子殼中含雙蕊色若蓮瓣嬌豔可愛一名蘭茹芍藥紅白者最多曉風微逗芳香襲人○○駐蹕西爾哈河

丙申○○上尙食山陽○○賜臣士奇炙鹿茸一雙少頃○○諭臣士奇曰見爾頗能乘馬何不習射臣士奇對曰臣幼時亦曾習射但力微不能開勁弓今久廢矣○○上曰射乃六藝之一讀書人亦當知之○○駐蹕拜查月色如晝夜深立幕外望塞上山川巉巖絡繹圍拱中原山空夜半萬籟闐寂惟聞○○御營行漏時傳崖谷答響鄰幕諸人俱已熟睡獨立沈吟賦詩二首

丁酉沙際草青細渠決決塞外四月早暮猶寒惟亭午日色暄暖有如春暮方當園場未合下馬趺坐天光雲影別具野趣是日園中○○上又親射一虎○○駐蹕和爾和

戊戌所經時見蒙古居人在山隩向陽處富者支毳幕內設牀幔以妝錦爲之亦有箱篋諸具貧者幕上惟覆以葦花布爲幔客至則男婦欣喜炊火熱乳酪奉客有出桐酒漿麪來勸者幕外多樹亂木爲柵以圈牛馬虞有虎害大約塞外山川遠者數十里近者十餘里互相綿亘兩山斷處謂之一溝每溝所住蒙古不過三兩家恐礙放牧也土極肥沃居者懶於耕耨僅種稗穀不設溝塍播種之後聽其自生以羊爲常餐比亦知養雞豚矣○○駐蹕巴爾漢湯泉較遲化之泉更熱秦少游所謂蔽於叢薄埋於土塗抱清

懷潔歷千百年莫或稍試於用者○○上爲留憩月上乃歸

己亥平明巡視者報夜來虎至營中傷一驪馬挖至前山林木下食未半其虎尙在山間○○上率侍衛往射殪之其大如牯牛諸蒙古云此虎久踞道側傷人甚眾今除行旅之害其相色喜是日山間鹿臺極多雉方卵於草間得一子獻者資銀五分所進數千枚○○駐蹕烏郎岡岡

庚子入山峰圍崖合中更坦朗長松千餘株歷落偃仰各具異態數百年物也午後陰雨晚復明霽山山夕照樹樹殘霞忘爲塞上矣○○駐蹕穆雷布爾拉兒

辛丑○○駐蹕濟西漢臺山阜平連蔓草無際土人云此去二百里則皆坡坨莎草漸無林木爲產駱駝之所

壬寅山谷之間多氈廬木柵喀爾沁部落所聚於此不遠○○駐蹕塔布恩海落思泰地方○○上賜內酒一樽○○諭曰爾總不能飲可散同行者拜○○命而出

癸卯○○駐蹕俄倫蒿齊特此日方進新櫻桃

甲辰○○駐蹕察漢城南或云卽會州城也連日行圍所歷類皆荒山叢林人迹罕至之處

乙巳○○賜宴喀爾沁廓爾沁諸部落於達希喀布齊爾口○○上坐黃幄中○皇長子及溫郡王侍諸部落率其所屬列坐於幄之左內大臣列坐於幄之右蒙古上下數千人賜酒一金叵羅乳茶一瘦碗頃刻而徧宴畢○○賜諸部落蟒袍帽帶韉襪弓矢佩刀鞍轡段帛銀布有差內大臣噶布喇引一蒙古

至幄前○○上召臣士奇數其創痕頭面項背胸臂凡二十四處○○上曰此蒙古梅勒章京也近年調征處州陣前所創如許得以不死臣士奇奏曰○○皇上推心置腹以誠信待人故使遠人皆能盡力疆

場仰見○○恩澤之入人深也○○駐蹕達希喀布齊爾口北薄暮雨是日○○御製塞上宴諸藩詩

丙午○○上回鑾入達希喀布齊爾口諸蒙古謁送道左行未十里山氣縷縷含煙忽復流雲四野天氣
曠黑大雨如注青林翠壁頃刻莫辨時而長虹拔地直與殘陽相射輕雷斷雨隱隱遙天○○駐蹕冰窖
地方氈幄孤檠添我旅夢也

丁未曉霽過黃土崖寬城諸處時已清和林木蔥茂花香夾路紫白萬狀山多讓草開滿巖岫采以爲蔬
卽黃花菜也侍衛諸臣競取以進入喜峰口始見瓦屋不禁心喜○○駐蹕灤陽城南

戊申○○上至溫泉問○○太皇太后安○○駐蹕鮎魚池行宮

己酉○○駐蹕鮎魚池行宮

庚戌○○駐蹕鮎魚池行宮

辛亥致祭○○孝陵○○駐蹕鮎魚池行宮

壬午○○上奉○○太皇太后回鑾望黃花山山勢雄陡戊樓盡廢明蔣一揆記云黃花鎮有禮鼠色
如鼯而毛淺冬時聚榛實爲糧於穴中作歧穴貯之若倉困然多至三斗其榛實皆美好價倍於人所收
者山氓多掘取之鼠失榛實牝牡皆竿脰樹枝懸死若縊鎮將憫之爲禁甚厲然不能止○○駐蹕薊州
所屬七里峰村東

五月朔癸丑○○上命再續盤山之遊道由薊州問趙韓王故里不可得自此入山路極峻嶮巖青林文篠
奇石流泉與野花蛺蝶相映帶所歷崖谷皆寂不聞人聲淨業庵在林巒最深處高閣瞰空幽邃可愛老
僧十餘人亦皆樸野汲泉瀹茗少爲流憩復由古中盤而歸○○駐蹕三河縣東

甲寅始換輕縠○○駐蹕通州所屬崇閣莊南晚得微雨

乙卯入東直門都城人家戶懸赤靈符菖蒲艾葉儼是重午行役之人初不知也○○上奉○○太皇

扈從東巡日錄

錢塘高士奇著

康熙二十一年正月十七日○○上諭諭禮部比年以吳三桂背恩反叛擾亂地方仰荷○○○祖○○○宗在天之靈默垂庇佑克奏蕩平應躬詣○○○山陵展祭以告成功前初聞捷音卽詣○○○孝陵行禮茲奉○○○太皇太后慈諭○○○太祖○○○太宗山陵亦應親往祭告隨命議政王貝勒大臣等會議僉謂事關大典允宜舉行今擬卽謁○○○太祖○○○太宗山陵虔申昭告用展孝思應行事宜及需用各項著各衙門速行備辦爾等卽遵諭行特諭次日○○○欽點隨從諸臣臣士奇供奉○內廷例當扈○○○蹕友人張英沈荃王士正徐乾學陸隳軾杜訥毛奇齡嚴繩孫汪懋麟高層雲黃虞稷沈暉沈麟藍深寵斯行也各以詩詞贈行

二月十五日癸巳辰時○○上幸○○皇太子親辭○○○兩宮畢由東長安門出東直門百官集○午門跪送鹵簿設東直門外五里臣士奇得從豹尾班後諸王及八旗禁旅以次行旌旗羽葆絡繹二十餘里雷動雲從誠盛觀也學士臣張英臣杜訥送○○駕至郭外臣英時已得請南還於○○上馬前叩辭念臣士奇與學士臣英自康熙十六年十二月十七日同時入直○大內南書房按步隨肩將及五載晨夕無間一日南北分攜馬上言別不禁黯然道出孤山在通州城東四十里四面平曠一峰挺然水經注云潞水又東北經孤山南卽此是也○○駐蹕采果營月色甚佳○帳殿清肅

甲午馬首東騫微風振旆過三河縣縣近七渡鮑邱臨洶三水故名三河舊城在今治東三里被水衝廢後唐長興三年盧龍節度使趙德鈞改置於此元禮部郎中王約有重建三河講堂記亦以縣城創於後唐明宗云○○駐蹕賢渠莊

乙未曉行雲氣未開盤山嵐氣縹緲不辨頗憶去歲暮春扈從出喜峰口道經薊野賜遊竟日崖壑峻嶒

林木茂密時有細泉出峭壁下濺濺草石間自作溪聲精舍禪房巖棲谷隱淨業庵在山谷蔽帶中更爲幽遠私念旅食長安十六七年幽尋罕遣何時高臥北窗枕上看山萬慮伏息斯爲最樂今乃遙睇山阿似託浮雲謝客可一歎也亭午微霽過別山山巔三壘尙存土人云是前朝防秋堠燧之所○○駐蹕玉田縣城東按玉田古無終國無終山在縣治西北四里一名翁同山搜神記載有陽翁曰雍伯維陽人於山下汲水作義漿行者皆飲三年有人就飲還以石子一升使於高平有石處種之徐氏者爲右北平著姓有女人多求之不許雍伯試求徐氏笑其狂乃云以白璧一雙當可爲婚雍伯至種石處得白璧五雙徐氏大驚以女妻之今水中白沙玉工取以治玉

丙申○○駐蹕豐潤縣城西自玉田至此八十里中地多汀渚時有鳧鷖飛鳴上下麥隴稻塍疇壤錯錯志稱馬頭山華山諸勝未得一登是夜雲黑無月周廬幕火望若繁星也

丁酉○○駐蹕王家店東北灤州界也春寒甚厲擁絮不寐襲以重裘思沽村醪飲之夜深不可得

戊戌○○駐蹕盧龍縣范家莊北地皆沙磧微風驟起則驚塵撲面○○上泛舟灤河至孤竹城城方廣無幾中有夷齊廟殿庭廊廡畢備史稱伯夷叔齊不食周粟餓死首陽山按書傳所載首陽山凡五各有按據莊子曰首陽山在岐山西北馬融曰首陽山在河東蒲坂華山之北河曲之中曹大家注幽通賦云夷齊餓於首陽山在隴西戴延之西征記云洛陽東北首陽山有夷齊祠今在偃師縣西北說文云首陽山在遼西若山海經所載首陽之山其山多金玉無草木毛詩唐風采芣采芣首陽之顛汲冢瑱語曰晉平公至於滄見人乘白驂八駟以來狸身而狐尾問師曠師曠曰其名首陽之神飲酒霍太山而歸見之甚善則河東蒲坂之首陽山當爲夷齊采薇處其餘或同名者今瞻拜廟貌皆服冕旒非其志也廟後清風臺高據懸崖平臨灤水長松翠柏交蔭臺側隔岸小山有孤竹君廟大小沮水出兩山間與灤河合流

漁人網罟時時集此取鰕鰾徑尺鮮鱗一方珍珠○京師爭購以入食單

己亥渡灤河經永平府城南永平古孤竹國秦漢時爲右北平地李廣曾守北平夜出見虎彎弓射之沒羽比明乃知爲石今府城東南十五里峰巒峭拔下多溪谷射虎石其遺蹟也○○駐蹕撫甯縣城西

庚子過撫甯縣郭外多喬木參差睥睨經淪關驛爲唐之淪關去山海關六十里以淪水名故又名臨淪關綱目所載唐太宗征高麗回從飛騎三千人馳入臨淪關道逢太子進新衣卽此地邪午後微雨涇埃

○○駐蹕二十里鋪夜聽海潮聲殷然鞞轄意甚慨懷念古人抱書挾劍從軍萬里號爲壯遊今寔宇澄

平○六龍巡幸所過皆豐沛之地臣忝列侍從蒙○恩更渥此又千載一時勉哉此行敢惜况瘁耶

辛丑出山海關關本元時遼民鎮故明中山王徐達守燕相度地形築爲關隘門通一綫雉堞兩重北山

南海四塞險固○上顧臣士奇曰山海爲畿輔第一雄關前代竭天下征輸以供兵戍之用我朝定鼎

燕京中外一家關門清宴無所用其險矣臣士奇奏曰臣聞前代自萬厯以來君臣宴安將帥失和其治

邊以能名者不過修繕城壕多築墩堡糧餉徒致虛糜兵馬全無核實恃山海居庸紫荆等關爲門戶而

黨錮紛爭生民日蹙流寇季自成以烏合之眾一呼京師不守險之不足恃也明矣○皇上求治不遑

惟務修德又能遠鑑前失社稷蒼生之福也關西平野卽我兵破季自成處出關數里有姜女祠祠前土

邱爲姜女墳望夫石在其側昔秦包并六國之後命將蒙恬塹山堙谷築長城萬餘里爲北界殫役驪山

銀海金鳧爲萬世計迨陳涉一夫作難秦祚亡滅牧豎求羊遺火寶衣一炬不若姜女荒祠片石千載矣

是日行圍樺皮山○皇上親射三虎○皇太子年甫九齡引弓躍馬馳驟山谷間矢無虛發見一虎射

之立斃萬人仰瞻莫不震頌自此每合圍時射虎甚多不能盡紀○○駐蹕王保河

壬寅遲日海日欲出朝煙變幻散若綺霞接顧之頃倏然四散海光浩淼極目無際音荀中郎諡在京口

登北固山望海云雖未覩三山便自使人有凌雲之氣今東臨碣石近指扶桑覺蓬萊方丈隱隱欲出也父老言桃花島峯孤嶼遙峙海濱前朝海運必泊艘於此然相去復不知其幾千里矣是日○○駐蹕中後所

癸卯○○駐蹕甯遠城西甯遠河在西北山谷間南流至城西合爲二派環抱城郭三首山在城東二里三峰相峙狀若人首上有淳泉四時不竭甯遠城倚此爲固明宣宗時始分廣甯前屯中屯二衛地於曹莊湯池北置甯遠衛屬遼東都指揮使康熙三年改爲甯遠州城中居民比屋梵剎華整祇樹相望塔碑可辨多是前朝鎮帥所建

甲辰○○駐蹕錦縣杏山西七里河是日○○上行圍所過松山連山塔山呂翁山皆○○○太宗文皇帝用武之地至今經過其處溝壕壁壘歷歷在目而松山城堞盡毀惟遺址宛然仰見○○○神謀睿略猶令人敬懾○○○天威歎帝王自有真也

乙巳清明憶昔人所云馬上逢寒食也關塞地寒草甲未拆依依短柳色變微黃○○○上憩小凌河河水澄澈初聞雷聲細雨旋霽暮渡大凌河○○○駐蹕東岸大凌河去錦州四十里明宣宗時於河側增置中左千戶與錦州爲犄角錦州者以城西有錦川水故名我○○○太宗文皇帝天聰五年降祖大壽於此至今望錦水猶疑是唐宗美良川宋祖清流關也康熙元年以錦州爲錦縣屬奉天府增設錦州府縣屬府治

丙午過杏山○○○駐蹕閭陽驛是日會闈題名錄至奉○○○命取閱是科會試天下舉人中式金德嘉等二百名按金史遼陽本遼之乾州廣德軍以奉乾陵故名乾陵縣天會八年廢州更名閭陽有凌河有遼景宗乾陵今則驛舍荒涼居民鮮少遙望十三山峰巒挺拔且時逢改火節候驚心因憶去歲清明扈從

馬蘭峪今歲又在此處遂賦念奴嬌一詞以寄興

丁未曉霧溟濛咫尺不辨行亂山中意謂不能見醫巫閭山色也頃之日出經廣甯城按遼史爲顯州奉先軍上節度本渤海顯德府地遼世宗置以奉顯陵者東丹人皇名倍小字圖欲一作突欲遼太祖長子讓位

於弟性好讀書平生愛醫巫閭山水購書數萬卷藏茲山絕頂名望海山一作望海堂世宗因爲建陵蕭太后

合葬焉中作影殿制度弘麗其後世宗亦葬於此金時升爲廣甯府改軍名鎮甯置節度天德二年隸咸

平後廢軍隸東京明改爲廣甯衛康熙三年設廣甯府附郭爲廣甯縣四年廢廣甯府以縣屬錦州府城

南廬舍略存城北皆瓦礫惟李成梁石碑樓尙存鐫鏤表構亦極人工之巧醫巫閭山在城西五里昔虞

舜封十有二山之一卽幽州之鎮也其山掩抱六重又名六山上有桃花洞又有聖水盆三水懸崖下灘

雖冬不冰仙人巖飛瀑巖北鎮廟在山下呂公巖在廟內金蔡太常珪有詩云幽州北鎮高且雄倚天萬

仞蟠天東又云但在林梢看鳥背不知身到碧雲中今從馬上仰首見巖岫青翠於遼西諸山中獨饒奇

秀聞有蠟斗碑惜未得磨崖一讀也板橋河發源此山有二其一流經衛城北其一流經城南俱東南合

盧溝河及雙峰河入海有唐文皇屯兵舊壘在城東南三十里東風作寒急雨催暮夜更變雪〇〇駐蹕

廣甯縣羊腸河東遼史有羊場河隸始平軍源出白雲山卽此

戊申冒雪曉行天寒如嚴冬驟望數十里絕無村落平川曠野如萬頃銀沙或高或下少焉雪霽雲影零

亂回顧醫巫閭諸山積素晴嵐別是一境〇〇駐蹕滾腦兒

三月朔己酉〇〇駐蹕白旗堡地多雉兔無源水新鑿百井以供行營綆長泉淺殊苦不給

庚戌〇〇駐蹕遼河又名句驪河河西爲遼西河東爲遼東源出靺鞨北諸山中經塗山至洪州崖頭牛

家莊出梁房口入海河上有小城名開城〇本朝初定遼時所築是日〇〇上漁於句驪河獲魚甚多遍

小方壺齋題也叢沙

第一

鳳從東巡日錄二

二百五十五

南清河王氏鐫版